

समर्पण :-

# अंगजल

(गजल दौरी)



गजलकार :  
सुधीर कुमार सिंह 'प्रोग्रामर'

प्रकाशक :

समय साहित्य सम्मेलन  
पुनसिया, बाँका, बिहार- 813109

810-83389 52874  
skp11081@rediffmail.com

(प्रहरी) 815 818 -प्रकाशक

चंगनाकानु ह/प्रि भाप/हा/

रुमि किंवाप, कार्नागंठ = प्रोग्रामर

- \ 48 -

रुमि किंवाप, कार्नागंठ = प्रोग्रामर

प्रहरी/कांठ/प्रहरी

प्रहरी/कांठ/प्रहरी

प्रहरी/कांठ/प्रहरी

प्रहरी/कांठ/प्रहरी

प्रहरी/कांठ/प्रहरी

प्रहरी/कांठ/प्रहरी

प्रहरी/कांठ/प्रहरी

प्रहरी/कांठ/प्रहरी

प्रहरी/कांठ/प्रहरी

प्रहरी/कांठ/प्रहरी

प्रहरी/कांठ/प्रहरी

प्रहरी/कांठ/प्रहरी

प्रहरी/कांठ/प्रहरी

प्रहरी/कांठ/प्रहरी

प्रहरी/कांठ/प्रहरी

प्रहरी/कांठ/प्रहरी

प्रहरी/कांठ/प्रहरी

प्रहरी/कांठ/प्रहरी

प्रहरी/कांठ/प्रहरी



# आंगिका

(अंगिका)



गजलकार :- सुधीर कुमार सिंह 'प्रोग्रामर'  
आवरण आरो कम्पोजिंग :- निखिल चंदन आरो पल्लवी रानी  
आई० सी० एस० कम्प्यूटर, सुलतानगंज  
प्रकाशन वर्ष :- जून 2016  
प्रकाशक :- समय साहित्य सम्मेलन पुनसिया, बाँका, बिहार।  
सर्वाधिकार :- कुमारी अनिता सिन्हा  
मूल्य :- 54 /-  
संपर्क :- अंगलोक, पार्वती मिल  
बाईपास रोड, सुलतानगंज  
भागलपुर- 813 213 (बिहार)  
skp11061@radiffmail.com  
मो०- 93349 22674

ANGJAL (ANGIKA GAZAL)

By : Sudhir Kumar "Programmer"  
Price : Rs. 54/- (Fifty four Only)

समर्पण :-

रीत के मीत !

कुमारी अनिता सिन्हा  
सहायक शिक्षिका  
बी०ए०(आनर्स), बी०टी०  
एम०ए०(अंगिका) कें

जौने हर गम के कम करलकै अरो साहित्य सेविका  
बनी के हर मोरचा पर तनी कें सम्भाली रहलौ छै।  
एतने नै 'ए जी कराय दा अंगिका सें पीजी' के जिद्द  
करतें-करतें प्रथम श्रेणी सें एम०ए०पास करीये कें दम  
मारलकै।

- प्रोग्रामर



—: एंगिका

! कर्म के कर्म

कर्मिणी कर्मिणी

कर्मिणी कर्मिणी

कर्मिणी (कर्मिणी) कर्मिणी

कर्मिणी (कर्मिणी) कर्मिणी

संपादक

आवरण

प्रकाशन

प्रकाशक

संपादक

मूल्य

संपर्क

— सुधीर कुमार सिंह 'प्रोग्रामर'

— कर्मिणी कर्मिणी

— कर्मिणी कर्मिणी

— कर्मिणी कर्मिणी

— कर्मिणी कर्मिणी

— कुमारी अन्विता सिन्हा

— 54/-

— अंगलोक, पार्वती मित

— बाईपास रोड, सुलतानगंज

— भागलपुर- 813 213 (बिहार)

— skp11061@rediffmail.com

— मो०- 93349 22674

ANGJAL (ANGIKA GAZAL)

By Sudhir Kumar "Programmer"

Price Rs. 54/- (Fifty four Only)

अनुक्रम

मनों के बात/

1. सरहप्पा

कहै दादा सँ इक पोता, कि बाबू याद आबै छै  
कहीने नँ हमर मैया, अबँ सिन्दूर लगाबै छै।

2. सांकृत्यायन

साल कँ सिंगार करै चैत महीना  
जाड़ कँ कगार करै चैत महीना।

3. समीर/परमानन्द

हवा में हवाई हो कबतक उड़ैभो  
लगे छै बचलका खजाना बुड़ैभो।

4. सुरो

नीन उचटी गेलै भियान होतै कहिया  
रोटी पे हमरा तियोन होतै कहिया।

5. चकोर/आरोही

फागुन के खुमारी में, तन-मन अजबारी छै  
सालों के मचानी पर, चैती केरों पारी छै।

6. तेजनारायण/रानीपुरी

यहाँ मौसम के धमकी से भला सागर डरैतै की?  
अहो रौदा भरोसे पान के पत्ता फरैतै की?

7. अमरेन्द्र

मौत केरों डोर केकरा  
ऊँठलै हिलोर केकरा।

8. प्रलय/प्रीतम

बदरा रे!.. अँगना मे आबें तँ जानौं  
हमरो दरद में समाबें तँ जानौं।

9. सरल/भुवन

खा-म-खा आँख तों दिखाबौं नय  
तीर तरकस पँ तों टिकाबौं नय।

10. हरेन्द्र/मस्ताना

भूख छै हिन्दी के आरो, अंगिका के त्रास छै  
एकदम दिल के दुमहला, पर इ दोनों खास छै।

09

11

12

13

14

15

16

17

18

19

20




11. विजेता/दिलवर 21  
मुबारक हो रमजान पावन महीना।  
खुशी सँ हिमालय कँ निकलै पसीना।
12. आमोद/ब्रह्मवादी 22  
पत्ता फूल हजार भरल छै तुलसी के गाछी में  
जीयै के रसधार फरल छै तुलसी के गाछी मे
13. राही/अश्विनी 23  
वर्षा के बाराती में, बादल कहार लागै  
झिंंगुर के तान तासा, बिजली बहार लागै।
14. अनिरुद्ध विमल 24  
जेठे के दुपहरिया में तरबा गरमाबै छै  
पानी छै पतालो में कुइयां झरबाबै छै।
15. राजकुमार/दिवाकर 25  
चिट्ठी पठाबै डाक सँ मजमून के बगैर  
जैसे दही-बड़ा मिलै हो नून के बगैर।
16. सान्त्वना/मृदुला 26  
जल्दी लानों सावन मेघा  
सम्बदिया मन-भावन मेघा।
17. किंकर/नंदेश 27  
बोलों उगलों साँझ कहाँ छै  
गाँधी-खूदीराम कहाँ छै।
18. गुल्टी/निराला 28  
कलम के पुजारी माँगे मैया तेरे द्वार में  
भ्रम सामाचार मिलै रोजेँ अखबार में।
19. प्रेमी/विजय 29  
कहिनें सब निमज्जान हो बाबू  
चौबटिया सुनषान छै बाबू।
20. तपन/मुरारी 30  
जन्मलै खेत में अर मरै खेत में  
काम रौदा-बताशे करै खेत में।

21. अंजनी/लोकेश 31  
बात बनाबै जानी-जानी  
देह तनाबै जानी-जानी।
22. जगप्रिय/जनप्रिय 32  
हाकिम के बोली-चाली में छाली छै  
हुनको काजू किसमिस भरलों थाली छै।
23. काब्यतीर्थ/छोटेलाल 33  
भूल झलकै कहाँ नदानी में  
सब करलका भसैलें पानी में।
24. रंजन/सत्या 34  
कभी हांससै कभी कानै किसानी चीज ऐसन छै  
विना बादल केरों बरसा, सुहानी चीज ऐसन छै।
25. गौतम/कुन्दन 35  
हमें कर्ज उतारै वाला  
हुनको दाव सुतारै वाला
26. उमानाथ/प्रदीप 36  
गजब-गजब कँ खेल खेलाबै चोर-सिपाही  
अजमाबै कि के कत्तें बरजोर सिपाही।
27. साथी/बैकुण्ठ 37  
सत्तू में सत्तू मिलैभें हो मीता  
खैभे कि हमरा खिलैभें हो मीता।
28. मनीष/हरिनंदन 38  
निकललै बात रानी-साहिबा केरों पहेली सँ  
बड़ों तूफान आबै कँ खबर अँले हवेली सँ।
29. भावानन्द/मोदी 39  
घोंसला जो बनाबै तँ औवल लगै  
जब चिड़ैया जगाबै तँ औवल लगै।
30. शिवनारायण/निकुंज 40  
अनटेटलों सन बात बसाहा बोलै छै  
सब कँ आपनें जात बसाहा बोलै छै।



31. विद्या/मीरा 41  
झरिया कँ बोलाबै छै यहाँ बँग आषाढी  
बुतरु सँ लोलाबै छै यहाँ बँग आषाढी।
32. मीणा/अनिता 42  
होतै वहा जे होना होतै  
जे जे चाहबै ओना होतै।
33. बहादुर/मधुसूदन 43  
साँझ कँ देहरी पर जलाबै दिया  
आँचरौ आढ़ में मुस्कुराबै दिया।
34. प्रभाकर/योगेन्द्र 44  
आजादी के उत्सव मनाबौ हो भैया।  
तिरंगा के रंग में रंगाबौ हो भैया।
35. उलूपी/मीरा 45  
भोर होलै जगो, जगाबौ ते  
घोंसला प्रेम के बनाबौ तँ।
36. नन्दलाल/बेचारा 46  
गीत गाथा रीत गंगा पार के  
याद आबै छै कथा मझधार के।
37. अनिल/धीरज 47  
रस्ता-पैरा पर नै फेकौं भाँसौं-कूसौं  
नै फेकौं धोखा से भी कोय थूक-खखासौं।
38. प्रहरी/कालजयी 48  
लागै छै वोटों के दिन फेरु अँलै  
वैसने पुरनका ठो सीन फेरु अँलै।
39. भावुक/छन्दराज 49  
धरम-करम कँ खिस्सा छोड़ौं  
जे बचलौं छै, ओकरा जोड़ौं।
40. इन्द्रदेव/भानू 50  
माघ कँ ओंस में फूल पँ  
छै वहा जे छेलै पूल पँ।

मनों के बात



आपनों अंगिका भाषा के काव्य-दौरी में 'अंगरथ' के बाद "अंगजल" परोसय सँ पहिनें करोड़ों अंग जन सँ आपनों मनों के बात करै के मोन करै छै। मने-मन गौरव होय छै कि हममें पहिलौं साँस अंग धरती पर लेलियै, पहिलौं दर्शन अंगजनपद के करलियै, पहिलौं स्वाद अंग-मांटी के लेलियै। दादी, माय, बाबू आरो आपने आरनी सँ केतारी के रोस नाँकी सिसोही कँ अंगिका के स्वाद चाखलियै। पहिलौं स्नेह-सत्कार, मान-सम्मान, अंगजनपद से पैलियै। आबैं तँ हिन्दी हमरौं भूख आरो अंगिका, त्रास बनी गेलै। यै लेली अंगिका गजल दौरी में हममें जिनका पढ़ी के आरो जिनका साथें रही के अंगिका सिखी रहलो छीयै हुनको नाम सँ समर्पित छै एक-एक टुकड़ा। 'अंगजल' के माध्यम सँ कन्खी भर कर्जा चुकाबै के प्रयास करने छीयै।

एकरा में आपनों कृति कँ लोक-धुन के चासनी में डुबाय के, चापठो पारी के गाबै गुनगुनाबै लायक गजल परसै के प्रयास करने छीयै। आपनों जानते एक-एक गजल अंग मनीषी के नाम अर्पित करने छीयै। स्वीकार करियै, आरो सुवाद बताबै के कृपा करियै। संवेदनशील मनीषी-गण, अच्छा-बेजाय सुझाव जरूर दीयै।

असरा में ! - सुधीर

जय-हिन्द! जय-हिन्दी ! जय-अंग ! जय-अंगिका।



## खांटी अंगिका रों गजल संग्रह "अंगजल"

भाषा के दृष्टि से गजल के साथे तीन विशेषण जुड़े छै— उर्दू गजल, हिन्दुस्तानी गजल आरों हिन्दी गजल मतुर सुधीर कुमार सिंह 'प्रोग्रामर' के 'अंगजल' पढ़ला के बाद ई लागलै कि गजल आबे आपनों चौथों विशेषण 'अंगिका गजल' के स्वरूप में पूरे ताकत आरों सामर्थ्य के साथे उभरी रहलौ छै। 'प्रोग्रामर' के गजल खांटी अंगिका में खांटी अंगिका भाषा के शब्दों से भरलौ—पुरलौ छै। हिनका गजलों में सौसे अंगजनपद के प्रकृति आपनों सम्भे टा भाव—भंगिमा के साथे उपस्थित छै। आपनों अंगजनपद के संस्कार, यै मांटी के आशा—निराशा, दुख—सुख, युग रों समस्या, सामाजिक विसंगति, विडम्बना रों कवि ने बहुते बेवाक आरों बारीक चित्रण करने छै। टूटी रहलौ सामाजिक मूल्य के हिनी अपना गजलों में बहुते तीखों आरों तल्ख भाषा में अभिव्यक्त करने छै। लागै छै गजलकार ने आयकों समय, युग के बहुते नगीचों से देखने, परखने आरों भोगने छै। यहे कारण छै कि सुधीर 'प्रोग्रामर' रों गजल जमीन आरों जनता से सीधे जुड़ी गेलों छै। इनका गजलों में जों आगिन नांकी तपी रहलौ चट्टानों के ताप छै तें प्रेमों के शीतल, सरस मधु बरसात भी छै जें इनका गजलों के गुलाब के खुशबू से भरी दै छै, कभी—कभी तें मृगनाभि में बसे वाला कस्तुरी गंध से पाठक के आत्मविभोर करी दै छै। 'प्रोग्रामर' जी यै सब गजलों के गैतों छै बहुते बढ़ियां से। भगवाने इनका कंठ में मिठास भी मुन्हां फाड़ी के देने छै।

ठेठ अंगिका रों ठाठ से भरलौ सुधीर कुमार 'प्रोग्रामर' के ई गजल दौरि 'अंगजल' से अंगिका साहित्य रों भंडार समृद्ध होलौ छै, आरों इनका अंगिका के शीर्षस्थ गजलकार के रूपों में प्रतिष्ठित करि देने छै, ई बात निःसंकोच कहलौ जावे पारै छै।

— अनिरुद्ध प्रसाद विमल

संपादक : समय/अंगघात्री, समय साहित्य सम्मेलन, पुनसिया, बाँका।

## 1. सरहप्पा

कहै दादा से इक पोता, कि बाबू याद आबै छै  
कहींने ने हमर मैया, अबे सिन्दूर लगाबै छै।


जों गहलै छै कमी कौवा, तें देला फेंकी के मैया  
अहो बोलौ न हो दादा, तुरत कहिने भगाबै छै।

खनाखन हाँथ में चूड़ी, बजै छै रोज काकी के  
हमर मैया के हाँथों में, अहो मठिया पिन्हाबै छै।


पुजै छै तीज, करवाँ—चौथ ई टोला मुहल्ला के  
मगर मैया से पूछै छी तें कानी के कनाबै छै।

बथानी भैस नै बकरी, न कोनों गाय किल्ला में  
मगर कीनी के पाथा—भर दही कहिने जमाबै छै।

आकाशवाणी भागलपुर आरों दूरदर्शन, पटना से प्रसारित







## 2. सांकृत्यायन

साल कँ सिंगार करै चैत महीना  
जाड़ कँ कगार करै चैत महीना।



फाग करौं दाग लाल-लाल गाल पर  
मोन कँ बहार करै चैत महीना।

मंजरी में आम-टिकोला लदर-बदर  
बिसुआँ के हँकार करै चैत महीना।

नीमों के पात सात रोज चिबाबों  
रोग कँ उलार करै चैत महीना।

राम करौं दूत हनुमान घ्यान में  
दसभुज जयकार करै चैत महीना।

धरती के पेटों में पूत पली कँ  
कोख कँ निखार करै चैत महीना।



## 3. सम्भीर/परमनंद


हवा में हवाई हो कबतक उड़ैभो  
लगै छै बचलका खजाना बुड़ैभो।

अजादी के सुखबा तँ तोहीं हसोतलहें  
कहीया गुलामी सँ हमरा छोड़ैभो।


बड़ों घर में दूधों सँ कुल्ला करै छै  
बुतरुआ ई फुल्ला कँ कहिया जुड़ैभो।

तोरा घर में सुख आरो सुख के सुखौतों  
जरूरत छै अखनी तँ कहिया पुरैभो।

सबासिन छै रूसलों जे असरा हियाबै  
बताबों न साहब कि कहिया घुरैभो।







#### 4. सुमन सूरु

नीन उचटी गेलै भियान होतै कहिया  
रोटी पे हमरा तियोन होतै कहिया।



खिस्से में हिस्सा हजोम करी गेलहें  
माफ हमरो कर्जा-वियान होतै कहिया।

साढु में सटपट, सहोदर लें छटपट  
हमरा पें तोरो धियान होतै कहिया।

थैली में नीयम अटैची में कानून  
समझै के हुनका गियान होतै कहिया।

राईफल के बीचों में झंडा तिरंगा  
आढसठ तें बीतलै निदान होतै कहिया।

तोरोँ घर के बूतरू तें बापोँ के बाबा  
हमरो घर के दादा सियान होतै कहिया।



#### 5. चकोर/आरोही


फागुन के खुमारी में, तन-मन अजबारी छै  
सालों के मचानी पर, चैती करों पारी छै।

मेहनत के फसल धरलों, खेतों सँ खम्हारी पर  
गदरैलों खेसारी के, छीमरी सुकुमारी छै।


पैना की अखेना की, दौनी से ओसौनी की  
खटरूस टिकोला संग, सतुआ मनोहारी छै।

गाछों के फुलंगी पर, कोयल केरो किलकारी  
उमतैलों जे पछिया के, बहसल सिसकारी छै।

अचरा मे लपेटी के, कोठी में समेटी के  
पहुना के पसीना से, गद्गद चिलकारी छै।







## 6. तेजन्मारायण/रान्नीपुरी


यहाँ मौसम के धमकी से भला सागर डरैतै की?  
अहो रौदा भरोसे पान के पत्ता फरैतै की?

इलम से काम करना खूब जानै छै बहिन, बेटी  
हवा से पूछी के घरनी भला चुल्हा जरैतै की?

बड़ी मिहनत, दुधारी गाय, गोबर, नाद, गोड़ी में  
भला न्यूटन यहाँ आबी जनाबर के चरैतै की?

जिताबै छै हराबै छै यहाँ जनता नियामक के  
मगर हमरो पसीना के कभी सूरज हरैतै की?

सुनलियै साठ बरसो से अलोधन गाड़लो घर में  
मरै के बेर सौसे गाँव में दंगा करैतै की?



## 7. अमरेन्द्र


मौत करों डोर केकरा  
ऊँठलै हिलोर केकरा।

सब हँसी मजाक में रहै  
डबडबैलों लोर केकरा।


मार सब जहाज लें करै  
खेत, बैल, हॉर केकरा।

झोपड़ी में दूकलै इनोर  
पेट में मड़ोर केकरा।

आग खेत में लगाय कें  
हाँक जोर—जोर केकरा।







## 8. प्रलय/प्रीतम


बदरा रे!.. अँगना मे आबें तँ जानौं  
हुनको संदेशा सुनाबे तँ जानौं।

पिया दूर परदेश गेलै तँ गेलै  
हमरो दरद में समाबें तँ जानौं।

बिजली जों छिटकै नजर चौधियाबै  
नसीबों के बिजली जलाबें तँ जानौं।

गरीबों पे ठनका गिराबै छँ कहिनें  
गरीबी पे ठनका गिराबें तँ जानौं।

यहाँ बेंग, झिगुर तँ गैबे करै छै  
नागिन सँ सोहर गबाबों तँ जानौं।



## 9. सरल/भुवन्

खा-म-खा आँख तों दिखाबों नय  
तीर तरकस पँ तों टिकाबों नय।

लोग चाहै रहौं मुहब्बत सँ  
लूर धोखा-धड़ी सिखाबों नय।


ई धरा राम कें अली के भी  
तीन कें तीस तों लिखाबों नय।

भूख ईमान कें हिलाबै तँ  
देश के आबरु बिकाबों नय।

देह के खून सब बहै तँ-बहै  
ई तिरंगा कभी झुकाबों नय।







## 10. हरेन्द्र/मस्ताना


भूख छै हिन्दी के आरो, अंगिका के त्रास छै  
एकदम दिल के दुमहला, पर इ दोनों खास छै।

है सदन के 'शिष्ट सब भाषा' कें छै सादर नमन  
जै धरा पर द्रोण-विश्वामित्र, तुलसीदास छै।

'गैर भाषा बैर' कहना, नय पचै सुकरात कें  
बात में सुरमा-भुपाली काम सर्बोग्रास छै।

कर्ण कें जौनें छललकै, हाय रे मरदानगी  
झूठ कें घरबास आरो, सत्य कें बनवास छै।

राधिका यमुना जे गेली, पीठ पीछू सैं किशन  
डाल पर गंगा नहाबै, फेरु लीला रास छै।



## 11. विजेता/दिवाकर

मुबारक हो रमजान पावन महीना।  
खुशी सैं हिमालय कें निकलै पसीना।

अजां, सेहरी आरो रोजा नमाजी  
इनायत में खाड़ों इ मक्का मदीना।


इतर से गमागम फ़जा ईद के छै  
लगाबों गला आरो सीना सैं सीना।

कहीं सेवई छै कहीं वीरजानी  
इ मंदिर इ मस्जिद धरम के नगीना।

कि हर-हर महादेव-अल्लाह अकबर  
इ हिन्दुस्तां रंग मिलतै कहीना।







## 12. आमोद/बम्हवादी

पत्ता फूल हजार भरल छै तुलसी के गाछी में  
जीयै के रसधार फरल छै तुलसी के गाछी में



आस-पास के तुलसी-चौरा, घर-घर के रखबारी  
दीप-शिखा सासों के बरल छै तुलसी के गाछी में

देव धरा पर लानै लेली तुलसी दोल चढ़ाबै छै  
तभीये ते सिन्दूर करल छै तुलसी के गाछी में।

रोग-शोक में माथ झुकाबो, मनचाहा फल पाबो  
कत्ते रोग-बतास डरल छै तुलसी के गाछी में।

तुलसी आक्सीजन के जननी, सबके मान बराबर  
नफरत के अभिमान जरल छै तुलसी के गाछी में।

नै बरसा नै जोत कोड़ के, रोजे-रोज झमेला  
अनुभव के संसार धरल छै तुलसी के गाछी में।



## 13. राही/अश्विनी


वर्षा के बाराती में, बादल कहार लागै  
झिंगुर के तान तासा, बिजली बहार लागै।

सूरज के पसीना सँ बादल के जुआनी छै  
बादल के पसीना से रिमझिम फुहार लागै।


कन-कन हवा तूफानी, ओलती सँ चुअै पानी,  
केकरौं छै मॉन गदगद, केकरौं पहार लागै।

गरजी के बराती जे चमकी कँ डेराबै छै  
गाली में सराती के, बादल चुहार लागै।

स्कूल पे बनै स्कूल, बच्चा के मोन हुल-हुल  
साइकिल पे चिड़ैयाँ सन नयका बिहार लागै।







## 14. अग्निरुद्र विमल



जेठो के दुपहरिया में तरबा गरमाबै छै  
पानी छै पतालो में कुइयां खनबाबै छै।

बेटी के लगन लागै, सुतलो सपना जागै  
धड़फड़-धड़फड़ बाबुल, मड़वा छरबाबै छै।

आगिन उगलै चुलहा, मन में नाचै दुलहा  
छप्पर के फुलंगी पर, कौवा गहलाबै छै।

पूरबा-पछिया गुमसुम, गुमसुम पीपल गछिया  
कोयल गाबी-गाबी हमरा बहलाबै छै।

गल्ला से मिली गल्ला, झुम्पर गाबै छल्ला  
हल्दी जे लपेसी के, रगड़ी लहबाबै छै



## 15. राजकुमार/दिवाकर


चिट्ठी पठाबै डाक सँ मजमून के बगैर  
जैसँ दही-बड़ा मिलै छै नून के बगैर।

हाकिम बिहाने धूप में बैठलों उदास छै  
चहकी कँ टोकै चिड़ियाँ कानून के बगैर।


बी.पी. बढलका टन्न सँ मरलै धनाट जे  
जीये वहाँ पड़ोस में कुछ खून के बगैर।

गाली में जानबर कँ सब दिन बुरा-भला  
लेकिन कहाँ छै आदमी नाखून के बगैर।

खेतों में मचानी पर सुनसान जाँ रहै  
गाबै उदास मोन भी गम, धून के बगैर।







## 16. सान्त्वना/मृदुला

जल्दी लानों सावन मेघा  
सम्बदिया मन-भावन मेघा।



जत्ते सुर्पनखा धरती पर  
ओतने राम-खेलावन मेघा।

तरकारी सरकारी दर पर  
कैता-झिं गली बावन मेघा।

छपरी पर नय उछलों अखनी  
नय सधतै ई दाबन मेघा।

कत्ते कंस, हिरण-कष्यप छै  
कत्ते भीतर रावन मेघा।

गंगा यमुना मैली होलै  
तोहीं करभौ पावन मेघा।



## 17. किंकर/नंदेश


बोलों उगलों साँझ कहाँ छै  
गाँधी-खूदीराम कहाँ छै।

साठ साल के आजादी मे  
झलकै सचका काम कहाँ छै।


आसाराम जेल मे पड़लौ  
लेकिन तोता राम कहाँ छै।

फूल-पान सं सजलौ-धजलौ  
हमरौ गंगाधाम कहाँ छै।

पैसा पर पानी तक बिककै  
लेकिन खून के दाम कहाँ छै।







## 18. गुलटी/निराला



कलम के पुजारी माँगे मैया तेरे द्वार में  
शुभ सामाचार मिलै रोजेँ अखबार में।

रीन से उरीन रहै, देश के सपनमां  
सुख के फुहार मैया बरसे बिहार में।

खेत खलिहान गेहूँ-धान महकौवा  
हरा-भरा गाँव-टोला रहे गुलजार में।

स्कूल पे स्कूल बने, महला दूमहला  
किनारा लगीच लागै, छेलै मँझधार में।

मोटे-मोटे छिमरी के दाल गदरौवा  
साईकिल पे चिड़िया नाँकी बिटिया कतार में



## 19. प्रेमी/विजय


कहिनें सब निमझान हो बाबू  
चौबटिया सुनसान छै बाबू।

सौसें गाँव में गीदर बोलै  
लागै कि स्मशान छै बाबू।


बूतरु सब हूलकी के खौजै  
घुसलों सब मुस्कान छै बाबू।

उमकै जे कानून तोड़ी के  
कहिनों उ बलवान छै बाबू।

सोन चिड़ैयाँ फेरु बनतै  
हमरो इ अनुमान छै बाबू।







## 20. तपन/मुरारी



जन्मलै खेत में अर मरै खेत में  
काम रौदा-बताशें करै खेत में।

खूब कैता, करेली लधै झींगली  
जब किसानों के लेहू जरै खेत में।

जों किसानों के खुरपी हँसै जोर से  
ते पपीता, कदीमा फरै खेत में।

घास-भूसा सरंग से नै आबै कभी  
सब जनाबर मगन से चरै खेत में।

रात झरिया पड़ै कि अन्हरिया रहै  
दीप जुगनू के रोजे बरै खेत में।



## 21. अंजनी/लोकेश


बात बनाबै जानी-जानी  
देह तनाबै जानी-जानी।

घाव तनीठो फुसरी नांकी  
मतर कनाबै जानी-जानी।


गाँव सजाबै लें मैया के  
गीत सुनाबै जानी-जानी।

गाछ लगैलो छै बापों के  
पूत भनाबै जानी-जानी।

लोग किबाड़ी तक नय आबै  
कूप खनाबै जानी-जानी।







## 22. जगप्रिय/जन्मप्रिय



हाकिम के बोली-चाली में छाली छै  
हुनको काजू किसमिस भरलौं थाली छै।

दुनिया के ठोरों पर पपड़ी छै लेकिन  
हुनको ठोरों पर देखौं तैं लाली छै।

ननदोसी के साथें चलली नयकी तैं  
रस्ता-पैरा बाजै कत्ते ताली छै।

मौका देखी के गोबर थपियाबों नी  
देखौं तैं बगलों में गहिड़ो नाली छै।

हुनको बूतरू छेना चोभै गारी कें  
हमरौं बुतरू कें मुँह में की जाली छै।



## 23. काब्यतीर्थ/छोटेलाल

भूल झलकै कहाँ नदानी में  
सब करलका भसैलें पानी में।


रोकला सें कहाँ रूकै हाकिम  
वक्त चलतें रहै रवानी में।

खूब मिलतै सकून सूनी कें  
गुदगुदी जाँ रहै कहानी में।


आय जे अलै किताब नयकी टा  
बात पहिंने छिले पुरानी में।

सोहदा जे कभी सुधारलै नय  
मौत होलै भरल जुवानी में।

7-7-14







## 24. रंजन/सत्या

कभी हांस्सै कभी कानै किसानी चीज ऐसन छै  
विना बादल केरौ बरसा सुहानी चीज ऐसन छै।



उजाड़ै जे चिड़ैया के बसेरा जेठ-भादों में  
कुलंगारों के की कहभौ जवानी चीज ऐसन छै।

उखाड़ै गाछ धरती के उड़ाबै धूल परती के  
हवा के चाल दुनिया में तुफानी चीज ऐसन छै।

हवा के लाज नय डर, अध-कपारी खूब मातै छै  
मरद नाचै इशारा पर जनानी चीज ऐसन छै।

कभी बादल के जोड़ै छै कभी बादल के तोड़ै छै  
मुसाफिर के सुनाबै गप-कहानी चीज ऐसन छै।

7-7-14



## 25. गौतम/कुन्दन


हमें कर्ज उतारै वाला  
हुनको दाव सुतारै वाला

लोक-लाज ताखा पर राखी  
गाय दुपचता गारै वाला।


अगल-बगल में मुड़झुलबा सब  
बैठी के पुचकारै वाला।

पोथी-पतरा देखी-देखी  
जनमै देह झमारै वाला।

भूत उतारै के नामों पर  
भूत बनै छै झारै वाला।







## 26. उमानाथ/प्रदीप



गजब—गजब कें खेल खेलाबै चोर—सिपाही  
अजमाबै कि के कत्तें बरजोर सिपाही।

बात—बात में धमकी, गारी बेढंगा—सन  
आफिसर सें जादे छै मुहजोर सिपाही।

चार डेग दौड़े ते हपसै कुकुर नांकी  
मुरगुनियाँ खेलै लागै कमजोर सिपाही।

कोय बैठी के औंघै कोय बीड़ी फूंकै  
मतर कहीं जागै छै भोरम—भोर सिपाही।

कोय फदरै पागल नांकी उल्टा—सीधा  
कोय मीट्टों सन बात सें दै झकझोर सिपाही।



## 27. साथी/बैकुण्ठ


सत्तू में सत्तू मिलैभे हो मीता  
खैभे कि हमरा खिलैभे हो मीता।

हम्मैं सुदामा तोंय किशन कन्हैया  
मारभे कि हमरा जिलैभे हो मीता।


आफत बताबै अघोरी के चुट्टा  
लागै छै पानी पिलैभे हो मीता।

नफरत के गाछ यहा हल—हल करै छै  
धरती सें जड़ कें हिलैभे हो मीता।

झपटै छै, भुक्कै छै सोना कटाहा  
कुत्तें सें ओकरा लिलैभे हो मीता।







## 28. मन्त्रीण/हरिजन्दन



निकललै बात रानी—साहिबा करों पहेली सँ  
बड़ों तूफान आबै कँ खबर अँलै हवेली सँ।

अगरजानी खरहुबा सब मुहल्ला कँ इ हल्ला सँ  
मिंघारी खेल सब घुनसुन सुनाबै छै सहेली सँ।

नया बीहा करों खिस्सा, सुनी आगिन धधाबै छै  
हवेली में नया आगिन, पसरलों छै नवेली सँ।

कुँवर जगलै कि नय जगलै बगाबत जोर मारै छै  
इ आफत कँ नया नैतों पटैलकै कँ कसेली सँ।

बड़ों घर के बड़ों खिस्सा, उधर राजा के छै हिस्सा  
इधर रानी के सपना में भी सजै बेली—चमेली से।



## 29. भावानन्द/मोदी


घोंसला जों बनाबै तँ औवल लगै  
जब चिड़ैया जगाबै तँ औवल लगै।

सोहदा कँ जे दै मसबरा ओकरे  
लोटिया जब डुबाबै तँ औवल लगै।


रोज चाही मसाला जे अखबार कँ  
जों बिहैली गोसाबै तँ औवल लगै।

सब खबर बे—असर, बर्फ के ढेर पर  
जों खबर कँ धिपाबै तँ औवल लगै।

चोर के दागला सँ कहाँ फायदा  
जों सिपाही दगाबै तँ औवल लगै।







### 30. शिवनारायण/निकुंज



अनटेटलों सन बात बसाहा बोलै छै  
सब कें आपनें जात बसाहा बोलै छै ।

जजमानों के पत्ता में लड्डू पेड़ा  
पंडित जी कें भात बसाहा बोलै छै ।

उखड़ी में मुड़ी देलकै जें जानी कें  
लाजें बोलै ज्ञात बसाहा बोलै छै ।

सोना कें मंदिर में पूजा के खातिर  
लोभी जुटलै सात बसाहा बोलै छै ।

बाघ के साथें बकरी के कुस्ती होतै  
देखिहों नौमी रात बसाहा बोलै छै ।



### 31. विद्या/मीरा



झरिया कें बोलाबै छै यहाँ बेंग आषाढ़ी  
बुतरू सें लोलाबै छै यहाँ बेंग आषाढ़ी ।

केना कें टपकतै भला खेती लें जे पानी  
बादल सें मोलाबै छै यहाँ बेंग आषाढ़ी ।


ढक—ढक करै केबाड़ी फोका कभी फूटी  
मौसम सें खोलाबै छै यहाँ बेंग आषाढ़ी ।

भरलै दरार खेत कें, पोखरी में संघरलै  
साँपों सें झोलाबै छै यहाँ बेंग आषाढ़ी ।

डुबकी लगाबै आर तें उ पार में निकलै  
पानी कें डोलाबै छै यहाँ बेंग आषाढ़ी ।







### 32. मीणा/अनिता



होतै वहा जे होना होतै  
जे जे चाहबै ओना होतै।

धरती के उटकी-पैची कॅ  
ढेला, गरदा सोना होतै।

औलो गेलो के हाँथों में  
जलखै भरलो दोना होतै।

खुशहाली घर के चौकठ तक  
चक-चक कोना-कोना होतै।

अगहन में पोथी बतलाबै  
राही जी के गौना होतै।



### 33. बहादुर/मधुसूदन

साँझ कॅ देहरी पर जलाबै दिया  
आँचरों आढ़ में मुसकुराबै दिया।


सीसकारी भरै कान में जों हवा  
देह झारी जरा झिलमिलाबै दिया।

फूँक मारी बुताबै पिया जोर सॅ  
आँख दाबी ठहाका लगाबै दिया।


पातरों-पातरों ठोर में शौक से  
कारखी कॅ लपेसी रंगाबै दिया।

नीन नखरा करे खूब जों आँख में  
तँ सुनाबी क लोरी सुताबै दिया।

दिया :- दीया, दीपक (मगर 1, 2) लेली- दिया के प्रयोग छै।







### 34. प्रभाकर/योगेन्द्र



आजादी के उत्सव मनाबों हो भैया।  
तिरंगा के रंग में रंगाबों हो भैया।

दुश्मन के अच्छा नैं झलकै रबैया  
इ सुतलों शहर कें जगाबों हो भैया।

जों लहरै तिरंगा तें, उमड़ै छै गंगा  
ई गंगा के महिमा सुनाबों हो भैया।

धरती लेली पानी, पानी, लेली बादल  
बादल लेली पौधा, लगाबों हो भैया।

हो नेता, भगत सिंह, खुदीराम, जैसन  
घर-घर में फौलादी बनाबों हो भैया।



### 35. उलूपी/मीरा


भोर होलै जगो, जगाबों ते  
घोंसला प्रेम के बनाबों तें।

है धरा धर्म के बगीचा में  
गीत गोबिन्द के सुनाबों तें।


खूब फरतै हँसी-खुशी सगरें  
नेह के गाछ जों लगाबों तें।

देह के खून सब जरै-तें जरै  
प्रेम के दीप टा जलाबों तें।

ई तिरंगा सरंग सें ऊचो छै  
गाण सरहद के जों सुनाबों तें।







### 36. नन्दलाल/बेचारा



गीत गाथा रीत गंगा पार के  
याद आबै छै कथा मझधार के।

रेत के दरिया बहै तूफान में  
सामना मुस्किल छै करना धार के।

बाँन्ह के तोड़ी भसाबै दूर तक  
डॉर लागै ऊमतैलों लार के।

चाँन पर करका घटा पहरा करै  
डाल घेरा झमझमाझम तार के।

बेंग ताकै आसरा आखार के  
नाव चिन्ता नै करै छै भार के।



### 37. अनिल/धीरज


रस्ता-पैरा पर नै फेकों भाँसों-कूसों  
नै फेकों धोखा से भी कोय थूक-खखासों।

बोड़ी-सोड़ी घोर, दीया-बत्ती जे बारै  
हौ घर में देवता-पित्तर के छै बासों।


लदर-बदर कोना-कातर कोठी सान्हीं जों  
उ घर में परकै छै मोटका-मोटका मूसों।

समझैला पर साफ-सफाई जे नै राखै  
माय-दाय देहरी पर जायके ओकरा दूसों।

चिक्कन-चाक्कन रखला से चकचक मनसूआ  
मुँह से गिरलों नीमचूस पोछी के चूसों।







### 38. प्रहरी/कालजयी



लागै छै वोटों के दिन फेरु अलै  
वैसने पुरनका ठो सीन फेरु अलै।

पाँच साल पहिनै जे खैनै छै किरिया,  
ओकरा पर मारै लै पीन फेरु अलै।

केकरहौ पटाबै ले केकरहौ डेराबै लै  
नागिन सपेरा के बीन फेरु अलै।

थोंथनों से लार-लेर गमकै छै गाँजा  
घिन्ना बराबै लै जीन फेरु अलै।

अखनी तें जेरो-भर गेलै तुरन्तें  
मार्थो भुकाबै लै तीन फेरु अलै।



### 39. भावुक/छन्दराज


धरम-करम कें खिस्सा छोड़ो  
जे बचलौ छै, ओकरा जोड़ो।

जात-पात बज्जात करै छै  
आपनों रस्ता, ऐन्टें मोड़ो।


सबसे बड़का पगड़ी बाला  
खूब पढ़ैलकै उल्टा खोड़ो।

भूत झारला सें भागै छै  
आबें है सब मिथ्यक तोड़ो।

गाछी तर सोना के कलसी  
झूठ बात छै, जल्दी फोड़ो।







#### 40. इन्द्रदेव/भाजू


माघ कँ ओंस में फूल पें  
छै वहा जे छेलै पूल पें।

जाड़ में हाड़ कांपै सुनों  
सब चलै मौसमी रूल पें।

थर-थराबै गुहाली में जें  
जीनगी फाटलों झूल पें।

खूब लूटै खरूभा मजा  
ध्यान रखिहों बड़ों भूल पें।

तड़-फड़ाबै जुवनका मतर  
हांथ धरनें रहों मूल पें।



बिहार सरकार द्वारा आयोजित भारतीय कविता समारोह तारामंडल पटना में बाँयें से सुधीर कुमार प्रोग्रामर, आलोक धनवा अशोक वाजपेयी, रथ जी एवं अन्य साहित्यकार ।



दूरदर्शन पटना द्वारा टाउन हॉल मुंगेर में आयोजित अंगिका कवि सम्मेलन में शामिल बाँयें से विजेता जी, जोगेश्वर जखी, सात्वना साह, सुधीर प्रोग्रामर, चंदन जी एवं अन्य कवि बाँयें से दर्शक दीर्घा में अंजनी सुमन, अनिरुद्ध सिन्हा, छन्दराज एवं अन्य ।



सुधीर कुमार प्रोग्रामर के गजल संग्रह 'उधार की हँसी' का लोकार्पण करते हुयें डॉ० राजनारायण कुशवाहा, ब्रह्मदेव सत्यम, साथी सुरेश, भावानन्द, दिनेश तपन एवं अन्य ।